


TRON E LÒSNA

1

Vos ëd la Comunità Lenghistica Piemontèisa - Ann 12 (47) - Nùmer 4 - Novèmber 2008

Gasëtta d'anformassion ëd l'associassion cultural piemontèisa: "Èl Sol ëd j'Alp" - Rùta D. Nelson 14, 13872 Borian-a (Bi) tel./r.a. telcop. 015.446116
Reg. Tribunal ëd Biela n. 499 dël 22 mars 2000 - Diretor responsàbil: Tavo Burat - Redassion: N. Bòcc, P. Bordini, S. Garuss, Mapi, G. de Montagu, G. Perrini, G. Ross.
Internet: <http://www.solalp.it> - e-mail: info@solalp.it - Cotis annual 25 euro c/c 27990134 "Èl Sol ëd j'Alp", via D. Nelson, 14 - 13872 Borriana (BI)
A sòrt con l'agiut ëd la REGION PIEMONTE, LA PROVINS A 'D BIELLA E LA FONDASSION CASSA DI RISPARMIO DI BIELLA

Giojera Piemontèisa CH' A FÀ 11



OVERTURA SABA 20 DZÈMBER ANT LA CA DÈL SOL ÈD J' ALP

Lòn ch' a ven ësmonu a l' è un-a part ëd nòssa mimòria èstòrica e tut sòn as fà
con la pin-a consapevolèssa ëd viveancheuj, an virtù dël doman

*****Stampà su papé arcuperà*****

PROGRAM




A 4 bòt e mes Luis Dario Felissian, a presenta sua ùltima publicassion “Pa gnente ëd dròlo, nèh!”

Cheujta ëd conte moderne franch foravía e ëdcò amusante, an lenga piemontèisa, scrite da un giovo àutor turinèis, test virà an italian an coa al liber.

Apré a-i sarà la proression dël DVD “Una vita appesa al chiodo (memorie di un antico mestiere)”

Èl documentari a conta d’un vej travaj “ël brocaté”. A l’è un viagi che a l’ancamin-a dij leu andova a-i era cost misté, anpassand për travers combe e valon andova as tirava fòra ël pressios metal visadi ël fer, passand travers s-cianchet d’èstòria për rivé ij di d’ancheuj. Èl DVD a dura apro-pré 50 minute, la vos ch’a conta a l’è ëd l’ator Carlo Saito, le mùsiche a son ëd Marco Strega, ël montagi ëd Massimo Oberto e la regia ëd Pier Carlo Sala.

Èl regista a sarà present, saba 20, për comenté sò ùltim travaj.



Foravía, con le novaire dë stan-sì, la Giojera a smon, tame sempe, le senten-e ëd titoj antrà liber e CD musicaj che a l’han për argoment la coltura e l’èstòria dël Piemont.

Anvers 7 ori a-i sarà na marena sinòira e peuj i faroma festa. Steme an piòta e gnì a trovene an tance